

# negin striegn !

La mesjamna vargada ein Armin, Flurina e Silvana i a Glion a marcau. Els van tutz treis ella tschunavla classa, aschia ch'ei han liber la mesjamna suentermiezdi. A Glion ein els lu palandrai pil marcau entuorn, han tschaghignau in tec dretg ed in tec seniester ed ein la fin finala arrivai tier in stan cun dultschergnems. Cheu ha ei buca dau gronda discussiun – forsa empau vatta da zucher ni tuttina la siarp cun gust da farbuns? Sche la mumma havess viu tgei ch'els treis han cumprau, havess ella matei strusch giu plascher! Armin e Silvana han pagau lur dultschergnem ferton che Flurina sfugatava en sia tastga ed encureva sia buorsa. Tuttina! Ella haveva gia temiu ch'ella hagi piars ella enzanua. Il vendider spitgava gia da quei malpazient.

- vendider: Tschun e tschunconta, sche ti fas aschi bien.  
Flurina: Et voilà.  
vendider: E quater e miez anavos. Engraziel fetg!  
Armin: Wow! Mo tgei ei quei pomai?!  
Silvana: Ha! Ei quei tia buorsa?  
Armin: Quei ei gie gailira!  
Flurina: Quella hai jeu fatg mezza.  
Silvana: Aber quei vesa gie ora exact sco quels pacs da suc d'oranschas...  
Flurina: Quella hai jeu era fatg ord in 'tetra pak'.  
Armin: Schon?!  
Flurina: Oh gie! E saveis tgei? Igl ei buca grev da far aschia ina buorsa. Jeu muossel a vus da zambergiar ina da quellas. Vus stueis denton prender in auter 'tetra pak' che jeu, schiglioc havein nus gie exact las medemas buorsas e gliez ei buca legher...



**Era ti sas zambergiar ina da quellas  
buorsas!**

**→ Suonda las instrucziuns dil pensum!**